

# Vedtekter

## Stiftinga Hardanger og Voss museum

Fastsett i styremøte 14.9.2022.

### § 1 Namn

Namnet på stiftinga er Hardanger og Voss museum.

### § 2 Føremål

Stiftinga Hardanger og Voss museum skal ivareta museumsfunksjonar for dei institusjonane som har særskilde avtaler med stiftinga. Museet skal driva innsamling, bevaring, forskning og formidling tufta på kulturuttrykk frå fortid og samtid.

Gjennom dokumentasjon av variasjon og fellestrekk skal museet vera med å synleggjera Hardanger og Voss lokalt, nasjonalt og internasjonalt. Med utgangspunkt i rolla som samfunnsminne skal museet vera ein open møtestad der publikum kan studera, oppleva og finna utfordringar. Hardanger og Voss museum skal arbeida for ei samordning av arkiv, bibliotek- og museumstenestene i regionen.

Hardanger og Voss museum skal driva eit nasjonalt senter for fartøyvern. Hardanger og Voss museum har ansvar for drifta av kunsthuset Kabuso, som skal formidla musikk, kunst og kulturimpulsar på høgt kvalitativt nivå, der kunsten mellom anna kan fungera som ein dialog mellom Noreg og verda. Kabuso skal arbeida i spenningsfeltet mellom tradisjon og samtid, og arbeida i nært samarbeid med kunstmuseum, festivalar og andre kulturinstitusjonar regionalt, nasjonalt og internasjonalt.

Museet skal vera medlem i Norges Museumsforbund og fylgja ICOM sitt museumsetiske regelverk og ta del i regionalt, nasjonalt og internasjonalt museumsnettverk.

Museet skal yta fagleg hjelp i museums- og kulturminnevern-spørsmål til kommunane Eidfjord, Kvam, Ullensvang, Ulvik og Voss.

### **§3 Grunnkapital**

Grunnkapitalen er kroner 278.600.

### **§ 4 Organisasjon**

Hardanger og Voss museum er eit konsolidert museum som etter særskilde avtaler har ansvar for økonomi, personal og anna drift ved Stiftelsen Agatunet, Granvin Bygdemuseum, Hardanger Folkemuseum, Ingebrigt Vik Museum, Kvam Bygdemuseum, Tusenårsstaden i Hordaland Kabuso og Voss folkemuseum.

Hardanger og Voss museum kan etter søknad ta opp nye institusjonar i Hardanger og Voss som har eit føremål som samsvarar med eit konsolidert Hardanger og Voss museum. I 2016 fusjonerte Hardanger og Voss museum med stiftinga Dagestadmuseet, i 2019 med stiftinga Herand Aktiesagbrug og i 2022 med Stiftinga Hardanger fartøyvernsenter.

Som konsolidert museum har stiftinga driftsansvar for nemnde museum. Det skal vedtakast særskilde avtalar mellom dei enkelte musea og stiftinga Hardanger og Voss museum.

Hardanger og Voss museum har arbeidsgjevaransvar for alle tilsette.

### **§ 5 Styret**

Styret har 7 medlemmer og 4 varamedlem som vert valde på følgjande måte:

1 medlem med varamedlem vald av Vestland fylkeskommune

4 medlemmer og 2 varamedlemmer i prioritert rekkefylgje vald av rådet for Hardanger og Voss museum.

2 medlemmer med varamedlemmer vert valde av og mellom dei tilsette.

Styret blir vald for 4 år. Styremedlem som har sete samanhengande i 8 år, kan ikkje veljast på nytt. Funksjonstida for representanten frå Vestland Fylkeskommune fylgjer den fylkeskommunale valperioden. Styret bør vere representert med minst 40% av kvart kjønn.

Styret held møte når leiari finn det naudsynt eller når minst 3 av styremedlemmane ber om det.

Styret er vedtaksført når minst 4 styremedlemmer er til stades på møtet. Ved likt røystetal har leiaren avgjerande røyst.

## **§ 6 Styret sitt ansvar og mynde**

Styret er stiftinga sitt øvste organ, og skal leie arbeidet med stiftinga i samsvar med føremålet.

Styret sine fremste oppgåver er å

1. Tilsetja direktør
2. Vedta budsjett, årsmelding og rekneskap.
3. Vedta langtidsplanar og årsplanar.
4. Føra tilsyn med at drifta er i samsvar med vetekne planar.
5. Velja revisor i tråd med § 11.
6. Handsama saker vert lagd fram for styret av direktør eller styremedlemer.
7. Styret skal utarbeida styreinstruks.
8. Styret skal årleg gjennomføra evaluering av eige styrearbeid.

## **§ 7 Direktør**

Direktør skal følgja dei overordna retningsliner og pålegg som styret gjev. Vedkomande skal syta for at stiftinga si drift og rekneskap er i samsvar med lov og forskrifter, og at formuesforvaltninga er ordna på ein trygg måte. Direktør er sekretær for styret og tek del i styremøta med tale - og framleggsrett.

## **§ 8 Rådet**

Rådet skal sikra lokal forankring, fagleg breidde, god kommunikasjon og informasjonsutveksling mellom Hardanger og Voss museum, dei enkelte museumsstyra og kommunane. Representantar for styret tek del i rådet sine møte med talerett. Tilsette kan ikkje veljast til rådet.

Rådet har 16 medlemer. Deltakarane oppnemner medlemer i tråd med eigne vedtekter:

- ✓ Ordførarane i Hardanger og Voss er faste medlemer i rådet, med varaordførarane som varamedlemer
- ✓ Agatunet vel 1 medlem og 1 varamedlem
- ✓ Granvin Bygdemuseum vel 1 medlem og 1 varamedlem
- ✓ Ingebrigt Vik Museum vel 1 medlem og 1 varamedlem
- ✓ Kvam Bygdemuseum vel 1 medlem og 1 varamedlem

- ✓ Hardanger Folkemuseum vel 2 medlemmer og 2 varamedlemer
- ✓ Hardanger fartøyvernssenter si veneforeining vel 2 medlemmer og 2 varamedlemer
- ✓ Tusenårsstaden i Hordaland/Vestland fylkeskommune vel 1 medlem og 1 varamedlem
- ✓ Voss folkemuseum vel 2 medlemmer og 2 varamedlemer

Dei valde rådsmedlemene og varamedlemene vert valde for 2 år om gongen rekna frå årsskiftet. Ordførarane i rådet fylgjer den kommunale valbolken. Rådet vel sjølv leiar og nestleiar for 2 år om gongen.

### **Ny § 9 Rådet sitt ansvar og mynde**

1. Rådet skal velja 4 styremedlemmer og 2 varamedlemer i prioritert rekkefylgje til styret i Hardanger og Voss museum.
2. Rådet vel styreleiar og nestleiar for 2 år av gongen.
3. Rådet skal gjera vedtak om honorar til styre og valnemnd.
4. Rådet skal velja medlemmer til valnemnda og utarbeide retningslinjer/kompetansekrav for nemnda i samarbeid med styret.

Rådet skal gje uttale til styret om:

1. Årsrekneskap og årsmelding
2. Langtidsplanar og årsplanar
3. Andre planar som styret legg fram for rådet

Rådsleiar kallar inn til møte i rådet minst ein gong i året, eller oftare dersom styret eller rådsleiaren finn det nødvendig.

### **Ny § 10 Valnemnd**

Hardanger og Voss museum skal ha ei valnemnd med 3 medlemmer. Valnemnda blir valt av rådet og sit i 4 år. Styret gjer framlegg til val av valnemnd. Ved kvart nyval er den på val som har fungert lengst, ved dei to fyrste valåra ved loddtrekking.

Valnemnda si oppgåve er å førebu vala som skal utførast av rådet. Valnemnda arbeider etter instruks vedteken av rådet.

## **§ 11 Revisor**

Revisor for museet skal vera registrert/statsautorisert og skal veljast kvart år.

## **§ 12 Eigedom**

Stiftinga har bruksretten til museumsgjenstandar, eigedomar og bygningar i tillegg til maskiner og driftsutstyr elles. Eigedom retten til heimelshavarane som inngår samarbeidsavtaler med stiftinga Hardanger og Voss museum er spesifisert i kvar einskild avtale. Hardanger og Voss museum har eigedom retten til museumsgjenstandar, eigedomar og bygningar innkjøpt av Hardanger og Voss museum etter 1.1.2012.

## **§ 13 Vedtektsendringar**

§ 2 og § 13 kan berre endrast etter samrøystes vedtak i styret.

Elles kan styret når alle møter, gjera vedtak om endring av vedtekter med 5 av 7 røyster.

Framlegg til vedtektsendringar skal sendast til rådet for uttale før endeleg vedtak i styret.

## **§ 14 Oppløysing.**

Oppløysing av stiftinga skal følgja reglane i lov om stiftingar som gjeld på det aktuelle tidspunkt. Dette gjeld også fordeling av eigedom som stiftinga har ved dette tidspunktet.

Lars Mossefinn

Solfrid Borge

Elisabeth Wesenlund Hauge

Hans Jørgen Andersen

Asbjørn Tolo

Silje Ensby

Agnete Sivertsen